

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### LURRALDE OREKAREN SAILA

**Foru Gobernu Kontseiluaren 281/2021 Erabakia, maiatzaren 18koa. Onespena ematea 2020/2021 ikasturtean batxilergoko edo erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten ikasle gazteei garraiorako dirulaguntzak emateko deialdiari**

Gobernu Kontseiluak, uztailaren 4ko 33/2017 Foru Dekretuaren bidez, ikasle gazte arabarrei garraiorako dirulaguntzak emateko oinarri arautzaile orokorrak onetsi zituen.

Era beran, Gazteriaren Foru Erakundearen Administrazio Kontseiluak, 2014ko maiatzaren 16an, onspena eman zien unibertsitateko eta unibertsitatez kanpoko ikasle gazteei dirulaguntzak emateko arau orokorreari (2014ko maiatzaren 26ko ALHAO, 58. zenbakia).

Bi dirulaguntza horiek xede eta hartzaile berak dituztela ikusita, uste dugu, aurreko urteetan bezala, egokia dela deialdi bakarra egitea unibertsitatez kanpoko ikasle gazteei dirulaguntzak emateko.

Deialdi honen lehen apartatuan zehazten den moduan, laguntza hauen helburua da beren bizilekua dagoen udalerritik ikastetxe publikoak edo itunduak dauden beste udalerriri batera joan behar duten Arabako ikasleen garraioa ahalbidetzea, batxilergoko ikasketak eta hirugarren apartatuan jasotako erdi eta goi mailako prestakuntza zikloetako ikasketak egiteko.

Era berean, lehen apartatu horretan foru sail honek laguntza hauen bidez lortu nahi duen helburua aipatzen da, hau da, ikasleen bizileku aldaketa saihestea eta, horrela, bizi diren herrian eta herrigunean geratzea sustatzea.

Horregatik, Lurralde Oreaken Saileko foru diputatuaren eta Kultura eta Kirol Saileko foru diputatuaren proposamenez, eta Foru Gobernu Kontseiluak gaur egindako bilkuran gaia aztertu ondoren,

#### ERABAKITZEN DUT

Lehenengoa. Onspena ematea 2020/2021 ikasturtean batxilergoko, erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar diren ikasle gazteei garraiorako 30.000,00 euroko dirulaguntzak emateko deialdiari, Arabako Foru Aldundiaren 2021eko aurrekontuaren kontura, bai eta 54.883,00 euro ere, Gazteriaren Foru Erakundearen 2021eko aurrekontuaren kontura. Deialdi hau espedienteari lotuta geratzen da eta foru agindu honen eranskin gisa jasotzen da.

Bigarrena. Arabako Foru Aldundiaren 2021. urterako aurrekontuaren kontura (taldea: 21.1.21) emango diren dirulaguntzak, guztira 30.000,00 euro egiten dutenak, "10.2.02.13.01.480.00.01 Garraioa Lurralde Oreak" aurrekontu partidaren kontura finantzatzeko dira (zorpekin erreferentzia: 105-1525/000).

Hirugarrena. Gazteriaren Foru Erakundearen 2021. urterako aurrekontuaren kontura (taldea: 21.1.21) emango diren dirulaguntzak, guztira 54.883,00 euro egiten dutenak, "71.1.00.10.00.480.00.02 Ikasleentzako laguntzak" aurrekontu partidaren kontura finantzatzeko dira.

Laugarrena. Deialdiari gehienez berrogeita hamar mila euroko kopuru gehigarri bat erantsi ahal izango zaio, beti ere, aurrekontu krediturik baldin badago.

Bosgarrena. Erabaki hau ALHAOn argitaratzea.

Seigarrena. Erabaki honek administrazio bidea amaitzen du, eta bere aurka, aukerako berraztertze errekurtsoa jarri ahalko da hura eman zuen organoaren beraren aurreran edo, zuzenean, administrazioarekiko auzi errekurtsoa aurkeztu ahalko da Gasteizko Administrazioarekiko Auzietarako Epaitegietan, bi hilabeteko epean, ebazpen hau jakinarazi eta hurrengo egunetik aurrera.

Vitoria-Gasteiz, 2021eko maiatzaren 18a

*Diputatu nagusia*

**RAMIRO GONZÁLEZ VICENTE**

*Kultura eta Kirol Saileko foru diputatua*

**ANA DEL VAL SANCHO**

*Lurralde Orekaren Saileko diputatua*

**IRMA BASTERRA UGARRIZA**

*Kirol zuzendaria*

**ANA ROSA LÓPEZ DE URALDE GÓMEZ**

*Lurralde Orekaren zuzendaria*

**JESÚS MARÍA GUINEA DÍAZ DE OTALORA**

## ERANSKINA

### **2020/2021 ikasturtean batxilergoko, erdi mailako edo goi mailako prestakuntza zikloetako ikasketak egin eta bizi diren udalerritik beste udalerrira batera joan behar duten gazte ikasleei dirulaguntzak emateko deialdia**

Gazteriaren Foru Erakundearen Administrazio Kontseiluak, 2014ko maiatzaren 16an, unibertsitateko eta unibertsitatez kanpoko ikasle gazteei dirulaguntzak emateko oinarri arautzaile orokorrak onetsi zituen (ALHAO, 58. zk., 2014ko maiatzaren 26koa).

Halaber, Gobernu Kontseiluak, uztailaren 4ko 33/2017 Foru Dekretuaren bidez, ikasle gazte arabarrei garraiorako dirulaguntzak emateko oinarri arautzaile orokorrak onetsi zituen.

Bi dirulaguntza horien xedea eta hartzaileak bat datozenez, egokitzen da unibertsitatez kanpoko gazte ikasleei dirulaguntzak emateko deialdi bakarra egitea.

Adierazitakoaren arabera, 2020/2021 ikasturtean batxilergoko edo erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten gazte ikasleei garraiorako dirulaguntzak emateko deialdi hau aipatutako oinarri orokor arautzaileei eta hurrengo apartatueta ezarritakoari lotuta egongo da.

#### **1.- Deialdiaren xedea**

Laguntza hauen xedea da prestakuntza arautuko ikasketak egitea ahalbidetzea hirugarren apartatuan jasotako batxilergoko edo erdi edo goi mailako prestakuntza zikloetako ikasketak egiteko bizi diren udalerritik beste batean dauden ikastetxe publiko eta pribatuetara joan behar duten ikasle arabarrei. Horren bidez, ikasleak egoitzaz ez aldatzea eta bizi diren herrian eta herrigunean geratzea lortu nahi da.

#### **2.- Onuradunen betekizunak**

2.1. Oro har, honako hauek izan daitezke tarte orokorreko onuradunak, aurrez eskaera eginda:

30 urte edo gutxiagoko ikasleak edo eskaeraren urtean 30 urte beteko dituztenak.

2020ko abenduaren 31n Arabako Lurralde Historikoan erroldatuta daudenak.

2020/2021 ikasturtean hurrengo artikuluan jasotako ikasketetako batean matrikulatuta daudenak.

Eskatzailearen ohiko egoitza eta ikastetxea ezingo dira egon udalerrri berean, eta haien artean ezingo dira egon 150 km baino gehiago.

2.2. Espezifikoki, honako hauek izan daitezke tarte osagarriko onuradunak, aurrez eskaera eginda:

25 urte edo gutxiagoko ikasleak edo eskaeraren urtean 25 beteko dituztenak.

Arabako Lurralde Historikoko 20.000 biztanle baino gutxiagoko udalerrietan 2020ko abenduaren 31n erroldatuta daudenak.

Eskatzailearen ohiko egoitza eta ikastetxea ezingo dira egon udalerrri berean, eta haien artean ezingo dira egon 65 km baino gehiago.

Garraio txartel ofizial pertsonalizatu baten titularrak izan behar dira (BAT, BARIK edo MUGI txartelenak, adibidez), edo garraio kolektibo itundua erabiltzen dutela frogatu behar dute.

Ikasturtean zehar ikastetxera egindako joan-etorrien ehuneko 50 garraio txartel publikoa erabiliz egina izan behar da.

Escola garraio kolektiboa erabiliz gero, kuota guztiak ordaindu direla egiaztatu beharko da nahitaez. Joan-etorri guztietatik astelehenetik ostiralera bitartean egindakoak zenbatuko dira.

Ezin izango dira laguntza hauen onuradun izan Eusko Jaurlaritzak ikasturte bakoitzerako joan-etorrietarako eta/edo egoitzarako ematen dituen laguntzak jaso dituzten pertsonak, jasotako beka mota edo modalitatea edozein delarik ere.

### 3.- Ikasketak eta ikastaldia

Deialdi honetako laguntzak ikasketa ofizial hauetarako soilik dira:

Batxilergoa.

Erdi eta goi mailako lanbide heziketa arautua.

Lanbide hastapeneterako ikastaro ofizialak.

Bazter uzten dira ikasketa modalitate hauek: beste prestakuntza batzuetarako edo oposizio eta antzekoetarako trebatzeko ikastaroak, ikerketa, graduondoko eta espezializazioko ikasketak eta urrutiko ikasketak.

Dirulaguntzetarako onartuko den aldia irailtik ekainera artekoa da ikasturte bakoitzean.

### 4.- Dirulaguntzaren zenbatekoa

Tarte orokorra:

2.1 apartatuan sartzen diren onuradunentzako laguntzen zenbatekoa kopuru finkoa izango da, bizilekua duen herriaren eta ikasleek ikasten duten ikastetxea dagoen herriaren arteko distantziaren arabera kalkulatuta.

40 km arteko distantzia edo txikiagoa	200,00 euro
40 km-tik 80 km-ra arteko distantzia	280,00 euro
80 km-tik 150 km-ra arteko distantzia	400,00 euro

Tarte osagarria:

2.2. apartatuan jasotako onuradunentzako laguntzen zenbatekoa aldakorra izango da eta ohiko bizilekua dagoen herritik ikastetxerainoko garraioaren kostuaren arabera zehaztuko da, kalkulu honen arabera:

Kalkulu oinarria:

Bizilekua dagoen herritik ikastetxerako joan-etorriaren kostua, bidaiarien errepide bidezko erabilera orokorreko garraio erregularren emakida publikoen eta eskariaren araberako garraioaren tarifa ofizialak —ikasturtean aplikatzekoak direnak— aplikatuz kalkulatu.

Garraio kolektibo itundua erabiliz gero, kontuan izango da garraioaren sustatzaileak egiaztatutako kostua.

Finantzaletaren ehunekoa hauxe izango da:

Kalkulu oinarriaren ehuneko 80, onuradunek aurrez aurreko eskola aldian egindako joan-etorrien ehunekoa gutxienez ehuneko 80koa denean.

Kalkulu oinarriaren ehuneko 50, onuradunek aurrez aurreko eskola aldian egindako joan-etorrien ehunekoa ehuneko 50etik ehuneko 80ra bitartekoa denean.

Laguntzaren zenbateko garbia: kalkulu oinarriari finantzaketa ehunekoa aplikatuz lortutako zifrari kenduko zaio tarte orokorrari dagokion laguntzaren zenbatekoa.

Hainbanaketa:

Aurrekontu erabilgarritasuna zenbatekoa tarteetatik edozeinetako laguntzak finantzatzeko nahikoa ez bada, zenbatekoak saldo horren mugara heldu arte hainbanatuko dira.

Distantziak zehazteko, <http://maps.google.es> web tresna erabiliko da. Haiek kalkulatzeko, errepideko ibilbiderik laburrena hartuko da kontuan.

## 5.- Epea eta eskaeren aurkezpena

5.1. Eskaerak ekainaren 1etik 30era bitartean aurkeztuko dira, seigarren oinarrian aipatzen diren agiriarekin batera, Gazteriaren Foru Erakundeak emandako eredu normalizatua behar bezala beteta. Bi era daude eskaerak aurkezteko:

Eskaerak hemen aurkeztu behar dira:

Gazteriaren Foru Erakundearen Erregistroa: • Gazteriaren Foru Erakundearen bulegoetara joanda (Jesusen Zerbitzarien kalea, 5, Gasteiz) 10:00etatik 14:00etara.

Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan jasotako erregistroetako batean.

Edonola ere, Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek, egoitza elektronikoen bidez (<https://gazteria.araba.eus>), telematikoki aurkeztera behartuta daude: pertsona juridikoak, nortasun juridikorik gabeko erakundeak, elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

Eskaeran berariaz adieraziko da jakinarazpenetarako egoitza, eta eskaera aurkezteak esan nahiko du erabat eta berariaz onartzen dela oinarri hauetan ezarritakoa.

5.2. Aurkezten den eskaera batean zerbait falta bada edo oinarrietan eskatzen diren agiri-tako bat aurkezten ez bada, interesdunari eskatuko zaio akatsa konpontzeko edo behar den agiria aurkezteko hamar egun balioduneko epealdian, eta adieraziko zaio eskatutakoa bete ezean eskaeran atzera egin duela pentsatuko dela organo eskudunak ebazpena eman ondoren.

5.3. Ikasle bakoitzeko eskaera bat bakarrik aurkeztu ahal izango da.

5.4. Bigarren apartatuan adierazitako baldintzak betetzen dituzten ikasleak adingabeak direnean, honako hauek eskaera aurkeztu eta izenpetu beharko dute: gurasoek, tutoreek edo adingabeen babesaren arloan eskumena daukan erakunde publikoaren aurrean formalizatutako tutoretza edo harreraren bidez haien ardurak hartu duten pertsonak.

## 6.- Dokumentazioa

6.1. Bi tarteetan, oinarrizko agiri hauek aurkeztu beharko dira:

Inprimaki normalizatua, zeina Gazteriaren Foru Erakundeak emango baitu, edo web orrian dagoen inprimaki normalizatua.

Ikaslearen NANaren fotokopia Ikaslea adingabea bada, eskatzailearen NANarena.

Ikaslea adingabea bada, familia liburuaren fotokopia.

Ikaslea adingabea bada eta harreran edo tutoretzapean badago, egoera horren frogagiria.

Ikaslea 2020ko abenduaren 31n Araban erroldatuta egotearen ziurtagiria.

Matrikulazioaren egiaztagiria, ziurtatzeko ikaslea matrikulatuta dagoela hirugarren oinarrian aipatutako ikasketetan, ikasturtean zehar.

Beste bekaren bat jaso bada, beka horren egiaztagiria, zenbatekoa eta nork eman duen adierazten dituen.

Eskatzailearen titulartasuneko banku libretaren fotokopia edo kontuaren frogagiria.

6.2. Tarte osagarriako, agiri espezifiko hauek aurkeztu beharko dira:

Garraio publikoaren txartelaren fotokopia, hala badagokio (2.2. apartatua).

Egindako garraio gastuen eta haien ordainketaren frogagiria. Horri dagokionez, ziurtagiri eta garraio titulu hauek jotzen dira balioduntzat:

Garraio txartel ofiziala, hala nola BAT txartela, BARIK edo MUGI, erakunde publiko kudeatzailearen ziurtagiri batekin batera, non ikasturtean egindako joan-etorri guztiak jasota baitaude.

Garraio kolektibo itundua erabili bada, guraso edo ikasle elkarteek egindako ziurtagiria. Han, eskatzaileak egin dituen garraio gastu eta ordainketa guztiak eta 2020/2021 ikasturtean garraioaz arduratu den enpresa jaso beharko dira. Gainera, onuradunak ikasleen gurasoen elkarteari egindako ordainketaren justifikazioa aurkeztu beharko da.

Hirugarrenen fitxa, behar bezala beteta.

## 7.- Aurrekontu erabilgarritasuna

7.1. Tarte orokorra:

Tarte horretarako esleitutako zenbatekoa berrogeita hamalau mila zortzietan eta lau-  
rogeita hiru euro (54.883,00) da, Gazteriaren Foru Erakundearen 2021eko aurrekontuko  
71.1.00.10.00.4.8.0.00.02 partidaren kontura.

7.2. Tarte osagarria:

Tarte horretarako esleitutako zenbatekoa hogeita hamar mila euro (30.000,00) da, Arabako  
Foru Aldundiaren 2021eko aurrekontuko "10.2.02 13.01 480.00.01 Lurralde Oreka garraioa"  
partidaren kontura.

7.3. Baldin, laguntzen kalkulua egin ondoren, aurrekontuan dirurik sobera badago bi tarte-  
tako edozeinetan, zenbateko hori beste tarteetan erabiliko da.

7.4. Zenbateko gehigarria erantsi ahalko zaio deialdiari, betiere berrogeita hamar mila euro  
baino gutxiago, baldin eta aurrekontu kreditua badago. Gehieneko zenbatekoa handitzeko  
ebazpena ALHAOn argitaratuko da; hala ere, argitaratzeak ez du esan nahi epea zabaltzen denik  
eskaera berriak aurkezteko ezta epe berri bat ere ebazpena emateko.

## 8.- Ebazpen proposamenaren txostena

Balioespen batzorde batek aztertuko ditu eskaerak. Hauek osatuko dute:

Gazteriaren Foru Erakundearen izenean:

Idazkaritza Teknikoaren burua edo hark eskuordetzen duen pertsona.

Erakundeko Zerbitzu Orokorretako teknikaria edo hark eskuordetzen duen pertsona.

Gazteria teknikaria.

Lurralde Orekaren Saileko Toki Administrazioaren Zerbitzuaren izenean:

Toki Administrazioaren Zerbitzuaren burua edo hark eskuordetzen duena.

Toki Finantzaiketaren eta Administrazio Kudeaketaren Zerbitzuaren burua edo hark eskuordetzen duena.

Toki Administrazioiko teknikari legelaria.

Batzorde horrek laguntza emateko bi proposamen txosten idatziko ditu, eta gastuak baimendu, xedatu eta antolatze gaitutako organoak ebatzi egingo du, eskaera emanaz edo ukatuz, gehienez bost (5) hilabeteko epean, eskaerak aurkezteko epea bukatu eta hurrengo egunetik aurrera.

Dirulaguntza emateko edo ukatzeko ebazpena eskatzaileei jakinaraziko zaie, eskaeran jasotako egoitzan, Administrazio Publikoen Administrazio Prozedura Erkidearen Legearen 42. artikuluan xedatutako moduen arabera.

Ez da entzunaldiko izapiderik egingo, eskatzaileek aurkeztutako egitateak eta agiriak soilik hartuko baitira kontuan ebazpenean.

#### **9.- Dirulaguntzak ordaintzea**

Ordainketak izendunak izango dira onuradun bakoitzarentzat.

#### **10.- Errekurtsoak**

Honako deialdi honen aurka nahiz haren ondorioz sortutako administrazio egintza ororen aurka egin daiteke, Administrazio Publikoen Administrazio Prozedura Erkidearen urriaren 1eko 39/2015 Legeak ezarritako kasuetan eta eran.

#### **11.- Dirulaguntza galtzea**

Onuradunek galdu egin ditzakete deialdi honetan emandako dirulaguntzak, aldez aurretik espedientea hasita, Arabako Lurralde Historikoko Dirulaguntzen 11/2016 Foru Arauak eta Dirulaguntzen azaroaren 17ko 38/2003 Lege Orokorrak ezarritako kasuetan.

#### **12.- Publizitatea**

Deialdi hau ALHAOn argitaratuko da.

#### **13.- Azken klausula**

Oinarri orokorretan eta deialdi honetan xedatuta ez dagoen guztia Arabako Lurralde Historikoen Dirulaguntzen 11/2016 Foru Arauak eta Dirulaguntzen azaroaren 17ko 38/2003 Lege Orokorrak arautuko dute, baita aplikagarriak diren gainerako arauak ere.